






第十祖龍樹尊者  
者要世國色亦  
者龍勝始於此羅  
尊者得法後至  
南印度彼之國人  
多信福業則尊  
者為說妙法而相  
謂曰人有福業世  
間才一徒言佛性  
誰能觀之

禪林類聚卷第七



龍樹尊者持嗣親比丘道泰  
蓋禪寺首座比丘智境集

圓相  
賓主

圓相

對機  
家風

龍樹尊者至南印土彼人多信福業者說妙法悉回初心  
復於座上現自在身如滿月輪大眾唯聞法音不覩師相  
有長者子謂眾云識此相不云目所未覩安能辨識子云  
此是尊者現佛性體相以示我等何以知之蓋以無相三  
昧形如滿月佛性之義廓然虛明言訖輪相即隱  
南陽忠國師見僧來以手作圓相相中書日字示之其僧  
無對

南陽忠國師



南泉願禪師與歸宗麻谷同往謁忠國師至中路師於地上畫一圓相云道得即去宗於圓相中坐谷便作女人拜師云與麼則不去也宗云是甚麼心行師乃相喚回不去禮國師

本覺云只如南泉恁麼道是肯底語不肯底語雲居錫云比來去禮拜國師南泉為甚麼却相喚回且道古人意作麼生雲居无云歸宗麻谷氣宇如玉落在南泉圈裏當時見他畫圓相拂袖便行直饒南泉更有神通也較三千里保寧勇別歸宗拍手大笑便起去天童覺云我當時若見便與撥却圓相不唯打破南泉窠窟亦乃教歸宗無著身處麻谷呈伎倆不得泉云與麼則不去也果然果然

汾陽昭頌云國師欲見義多般圓坐端居拜請看不去同音聞便解又經行陣奪旗旛雲竇顯云由基箭射猿繞樹何太直千箇與萬箇是誰曾中的相呼相喚歸去來曹溪路上休登陟復云曹溪路坦平為甚麼休登陟保寧勇云漫漫大地盈尺雪江湖一片難分別漁父披蓑月下歸誰道夜行人路絕馬祖一禪師因僧參次師乃畫一圓相云入也打不入也打僧纔入師便打僧云和尚打某甲不得師靠拄杖休去雪竇云二俱不了和尚打某甲不得擬議不來劈脊便棒天童覺云跨門之機空中之意具眼者分明辨取本溪禪師一白坐次龐居士至師纔顧視士以拄杖畫一圓相師近前踏却士云與麼不與麼師亦畫一圓相士亦



近前踏却師云與麼不與麼士遂拋下拄杖而立師云來時有杖去時無杖士云幸自圓成徒勞自視師拊掌云奇哉奇哉一無所得士拄杖便行師云看路看路佛鑑勲云古人恁麼相見只為有眼底人不為無眼底人老僧今日只為無眼底人不為有眼底人惺惺漢下任穿却老僧鼻孔

水潦禪師因僧到乃畫圓相放師肩上師撥三下却畫圓相指其僧僧禮拜師打云這掠虛漢

保寧更別僧拜處復喫之而去復頌云踢去拳來乃是常如何得不見參商依公定奪無偏黨短自短兮長自長

大瀉祐禪師因令僧馳書上王常侍王看書了乃問和尚

馬天師法嗣

乃州八

百丈海法嗣

近日有何言句僧云有僧問如何是祖師西來意師堅起拂子云彼中兄弟如何商量云借色明心附物顯理主云不是這箇道理上座快回山去好某甲有回書到和尚處僧得書遂回持上師師拆開見中畫一圓相內寫箇日字師云誰知千里外有箇知音仰山侍次乃云雖然如是也祇是箇俗漢師云子又作麼生仰却畫一圓相於中書箇日字却以脚抹著師乃大笑一本異保寧更頌云南星北斗總移位四海九州如鼎沸波斯匿王鼻拄天樓至如來脚踏地大瀉因示眾云一切眾生無佛性鹽管或示徒去一切眾生有佛性鹽管會下有子僧遂特詣師會探之既到所聞說法莫測其涯若生輕慢一日在庭中坐次見仰山來遂

頌及口



南泉願  
法嗣

馮山祐法嗣

勸云師兄切須勤學佛法不得容易却遂作一圓相托呈却拋向背後復展兩手就三僧索二僧茫然不知所措仰乃勸云直須勤學佛法不得容易珍重便去三僧速返鹽官將行三十里一人忽然有省云馮山道不錯也却回下人復行數里渡水有省乃同歸禮謝  
趙州諗禪師僧問如何是毘盧圓相師云老僧自小出家不曾眼花云和尚還為人也無師云願你長見毘盧圓相應庵華云趙州見處偏枯若有人問天童如何是毘盧圓相祇對他道木底大小底小且道與趙州還有優劣也無具擇法眼試檢點看  
仰山寂禪師一日有梵僧來師於地上畫半月相僧近前添作圓相以脚抹却師展兩手僧拂袖便出

承天簡云仰山大似瘧子喫苦瓜 圓悟勤云以膠投漆將鹽入醬羽毛相似體段一般雖然如是大小仰山被箇梵僧勘破  
本覺一頌云寂子偶逢穿耳客曾將半月示伊家僧添半月翻然去知道親逢小釋迦  
仰山因韋宙就馮山請一伽陀馮云觀面相呈猶是鈍漢豈况形於紙筆韋乃就師請師於紙上畫一圓相註云思而知之落第二頭不思而知落第三首  
仰山因冥坐次有僧潛來身邊立師開目見遂於地上作一圓相相下書一水字願視其僧僧無對  
禾山方云這僧向萬仞洪崖頭舞險仰山老漢名傳四海為甚麻與久重不註脚參



仰山因一僧參便問和尚還識字不師云隨分僧以手畫  
圓相托呈師以衣袖拂之僧又作半月相托呈師以兩手  
作背拋勢僧以目視之師低頭僧遠師一匝師便打僧遂  
出去又僧問如何是祖師西來意師以手空中作圓相相  
中書佛字僧無語

仰山在洪州石亭粥後坐次有僧問和尚還識字不師云  
隨分僧乃右旋一匝云是甚麼字師於地上書箇十字僧  
又左旋一匝云是甚麼字師改十字作卍字僧畫一圓相  
以兩手托如脩羅當首月勢云是甚麼字師乃畫圓相圍  
却卍字僧乃作樓至勢師云如是如是此是諸佛之所護  
念汝亦如是吾亦如是善自護持其僧禮拜騰空而去  
天童覺頌云道環之虛靡盈空印之字未形妙運天輪

雲岩晟  
法嗣

馬大師法嗣  
付灯八

馬大師法嗣  
付灯八

德山鑑  
法嗣

地軸密羅武緯文經放開捏聚獨立周行機發玄樞兮  
青天激電眼含紫光兮白日見星  
洞山价禪師同密師伯入餅店密於地上畫一圓相云將  
取去師云拈將來密無對

保寧勇代密云盡大地人提不起

無等禪師謁州牧王常侍師退將出門王隨後呼云和尚  
師迴顧王敲柱三下師以手作圓相復三撥之便行  
佛嶼禪師尋常見人來以拄杖卓地云前佛也恁麼後佛  
也恁麼僧問正恁麼時作麼生師畫一圓相僧作女人拜  
師乃打之

叢頭叢禪師因觀音會下有僧來參以手左邊作一圓相  
又於右邊作一圓相又於中心作一圓相欲成未成被師



仰山慧察法嗣  
仰山西塔光穆  
法嗣吉州資福  
如室禪師

傳灯十二

以羊一撥僧無對師便喝出僧欲跨門師却喚回問汝是  
洪州觀音來不云是師云只如適來左邊一圓相作麼生  
云是有句師云右邊一圓相導云是無句師云中心圓相  
作麼生云是不有不無句師云只如吾與麼又作麼生僧  
云如刀割水師便打趁出  
資福寶禪師因陳操尚書來師便畫一圓相陳云弟子與  
麼來早是不著便那堪更畫圓相師於中著一點陳云將  
謂是南番舶主師便歸方丈閉却門  
大為詰云資福雖是本分爐鞴爭奈陳操是殺了精金  
諸人要識資福麼等閑擲一釣驚動碧波龍虎丘隆  
云資福買鐵得金一場富貴是則是爭奈公案未了今  
日諸大士入山相見山僧不畫圓相亦不掩却方丈門

雪峰存  
法嗣

且道與資福老人是一是二還知落處麼竹院相逢無  
一事大家同喫趙州茶應庵華云雖然如是若到天  
童門下未放過在當時待陳操尚書道弟子恁麼來早  
是不著便那堪更畫圓相天重大開東閣明牕下如法  
安排何故門內有君子門外君子至  
雪竇顯頌云團團珠繞玉珊珊馬載驢馳上鐵船分付  
海山無事客釣鼈時下一捲孳師復云天下衲僧跳木  
出  
玄沙備禪師一日見鼓山來乃作一圓相示之山云人人  
出這箇不得師云情知汝向驢胎馬腹裏作話計山云和  
尚又作麼生師云人人出這箇不得山云和尚與麼道却  
得某甲為甚道不得師云我得汝不得



雲寶顯云祇解貪觀白浪不知失却手中撓雲峰悅云道得道不得總在玄沙圈續裏如今還有出得底麼天童覺云玄沙大似倚勢欺人以強陵弱蓋他撥得轉弄得出兩箇一般為甚麼道我得你不得是真難掩是假不昌

仰山西塔光穆

禪師法嗣

資福寶禪師僧問如何是古人歌師乃畫圓相對之

投子青頌云一曲兩曲深夜彈松風和雨過前山可憐

下玉離荆岫誰是知音却取還

新羅順支禪師有僧於師前作五花圓相師畫破別作一

圓相

資福遠禪師僧問和尚見古人得何意昔便歇去師乃作

圓相示之

仰山寄法嗣

倚灯十二

雪峰存

法嗣

雙泉永禪師因護國來師問隨陽一境是男是女各伸一問問問各別長老將何祇對國以手空中畫一圓相師云謝長老慈悲國云不敢師低頭不顧

林溪徹禪師有時以此相留示之云還辨得麼若也辨得

去佛佛道同祖祖如是若也辨不得去悟取好又一日以

此相示之云還辨得麼若辨不得林溪與你註破去也

碧眼胡僧笑點頭又僧問生死到來如何除遣師以此相

對之

草堂禪師僧問未有一法時此身在甚麼處師乃作一圓

相於中書身字

琅琊覺禪師上堂有僧出畫一圓相師便打云道道僧云

不道不道師又打云道道僧云三世諸佛不離於此師又

馬大師法嗣

倚灯八



打喚維那抽單趁出院師却陞堂以手指僧云大眾比丘  
犯波逸提山僧今日入地獄如箭射  
大寧寬禪師僧問天下禪和為甚麼出這箇○不得師云  
徃徃如斯  
雍熙翰禪師僧問慈雲普潤三千界利人一句望師垂師  
云汝瞌睡作麼僧乃畫一圓相托呈師云莫鬼恠云如此  
之機師如何接師便打  
淨山遠禪師與王待制論道師乃畫一圓相問云一不得  
足為單鎗二不得衣錦還鄉鵲不必喜鴉不必歎速道速  
道王罔措師云勘破了也  
堯率寬禪師僧問既是一真法界為甚麼有千差萬別師  
去根深葉盛僧打一圓相云出得這箇也無師云弄巧成

景福餘禪師上堂有僧出眾畫一圓相師以手畫一畫其  
僧作舞歸眾師云家有白澤之圖必無如是妖怪  
上竺諫講師常問道於大通禪師通一日作書寄之師發  
絨覩黑白二圓相乃悟答偈云黑相白相擔枷過狀了不  
了兮無風起浪若問究竟事如何洞庭山在太湖上後乃  
拈香嗣之  
福昌善禪師有僧來畫一圓相師便喝云野狐精僧作擲  
勢以脚投之者三師云蒿箭子僧作禮師便打  
五祖戒禪師僧來參入門打一圓相師云是甚麼云餽餅  
師云趁鑪鐵熱更打兩箇僧擬議師劈脊便棒  
水庵一云諸禪德譬如龍驤水躍長他智者之威猙後



有古德道將成九仞之山不進一簣之士山僧即不然殊不知這僧投之以木挑報之以瓊玖

法昌遇禪師因寬禪師至師遂作此○圓相與寬便自拽纓出作務明白上堂於法座前問寬昨白公案作麼生寬於地上作此○半圓相了以脚擦却師乃云寬禪頭名不虛得遂陞座云忽地晴天霹靂聲禹門三級浪磅洶幾多頭角為龍去鯁蟹依前勢眼睛

法昌因黃龍南禪師來訪南乃作偈云頭戴華巾離少室手推席帽出長安鷲峰峰下重相見鼻孔元來總一般又畫此○相示之師和云葫蘆棚上掛冬瓜麥浪堆中釣得鯁誰在畫樓沽酒處相邀來喫趙州茶又畫此○相答之南云鐵牛對對黃金角木馬雙雙白主蹄為愛雪山香草

楊岐方會

法嗣

絀夜深乘月過前溪又畫此○一相示之師云玉麟帶月離霄漢金鳳銜花下綵樓野老不嫌公子醉相將攜手御街遊乃畫此○相答之

保寧真禪師因僧作禮起畫一圓相師以左手拋向後僧又畫一圓相師以右手拋向後僧歸眾師云更有甚麼僧無語師拍膝云龍頭蛇尾僧云賊過後張弓師乃噓噓天童覺禪師上堂云今日是釋迦老子降誕之辰長蘆不解說禪與諸人畫箇樣子只如在摩耶胎時作麼生後子畫此○相云只如以清淨水浴金色身時又作麼生後畫此○相云只如周行七步目顧四方指天指地成道說法神通變化智慧辯才四十九年三百餘會說月道黃指東畫西入般涅槃時又作麼生乃畫此○相復云若是具



眼納僧必也相許其或未然一一歷過始得

無等作圓相答王常侍見門

覆盆因僧於門上畫圓相見門

楊岐與慈明追忌打圓相見門

童敬小師遊方圓畫圓相見門

馮山呈起如意畫此○相見門

馬祖書中作圓相寄國一觀見門

歸宗畫圓相圍菜親見門

李都尉臨終畫圓相化見門

鏡清打鐘畫圓相觀門

趙州畫圓相對南泉規咏

耽源畫圓相觀門

對機

南陽忠國師因丹霞來參纔展坐真師云不用不用霞退後三步師云如是如是霞進前三步師云不是不是霞透禪牀一匝出去師云去聖時造人多懈怠三十年後真箇漢也難得

保福展云丹霞負程不覺行困大瀉詰云丹霞可謂

懷藏至寶遇智者乃增輝國師鴻門大啓陟者須是奇

人如今還有為丹霞作王者麼出來與大瀉相見有麼

不是龍門客切已滿點額佛鑑勸云宿主相見欲展

不展退後進前禮過成誚猶幸南陽老而不老

馬祖一禪師有僧於師前作四畫上一長下三短問云不得道一長三短離此四字外請和尚答師乃畫地一畫云



不得道長短答汝了也

忠國師聞別云何不問老僧

馬祖問石由甚處來云鳥由來師云鳥曰近日有何言句云幾人到此忙然師云忙然一句且置悄然一句作麼生道由進前三步師云我有七棒寄與鳥曰汝還甘不云和尚先喫某甲後甘

圓悟勤云章窠裏撥出一箇半箇有甚麼共語契雖然如是猶放過一著在塗毒策云乳虎墮地氣已食牛龍起深潭自生雲霧馬祖以機奪機布印以的破的然雖恁麼可惜放過還知馬祖麼如猫弄鼠巧盡拙生石頭遷禪師問青原云和尚自離曹溪甚時到此問任原云我却不知汝甚時離曹溪師云某甲不從曹溪來原云

我已知汝來處了也師云和尚幸是木人且莫造次

丹霞淳頌云木人來問青霄路王女年尊似不聞攜手相將歸故國暮山岌岌鎖重雲

石頭因青原問子何方而來師云曹溪原云將得甚麼來師云未到曹溪亦不失原云恁麼用法曹溪作甚麼師云若不到曹溪爭知不失師復問曹溪大師還識和尚不原云汝今識吾不師云識又爭能識得原云衆角雖多一麟足矣

百丈海禪師因瀉山五峰雲巖侍立次師照瀉山併却咽喉唇吻作麼生道瀉云却請和尚道師云我不辭向汝道恐已後喪我兒孫師又問五峰峰云和尚也須併却師云無入處所額望汝師又問雲巖巖云和尚有也未師云喪



我兒孫

雷寶顯頌云却請和尚道虎頭生角出荒草十洲春盡  
花凋殘珊瑚樹林日杲杲和尚也併却龍蛇陣上看謀  
畧令人長憶本將軍萬里天邊飛一鷄和尚有也未金  
毛獅子不踞地兩兩三三舊路行大雄山上空彈指  
保寧勇云三箇兒郎總長成大家將本各經營其間消  
折兄嫌弟也有贏錢弟怨兄 佛鑑勸云却請和尚道  
千人萬人所不到杲日朦朧海面紅清風凜凜霜天曉  
和尚也併却後人要踏前人脚其餘利鈍不同途畢竟  
到頭輸一著和尚有也未且向自身明見地未能展翼  
逆風飛少逐青雲千里志

百靈禪師一日在方丈內龐居士來師便把住云今人

馬大師法嗣  
傳灯八

道古又道作麼生道士與一掌師云不得道著士云道必  
有過師云還我一掌來士便近前云你試下手看師珍重  
便出去

佛鑑勸云二老漢雖然名傳今古點檢得來總好喫智  
海手裏痛棒何也一人有頭無尾一人有尾無頭當時  
龐公近前云你試下手看時師乃展一足云百靈若會  
這一著決定頭正尾正

百靈一日問龐居士得不得俱未免且道未免箇甚麼士  
以目視之師云哥特莫過於此士云阿師錯許人師云誰  
不與府士珍重便出

佛鑑勸云此箇公案今古少人拈撥智海今日不惜眉  
毛為你諸人批判此二老子還會麼細雨灑花千點淚



淡煙籠行一堆愁。塗毒策云以毒攻毒以智遺智多  
 少人認其鑒覺賴得龐公有語云阿師錯許人救得一  
 半只如二老意作麼生等閑攜手處千聖不能知  
 石叢藏禪師問西堂汝還捉得虛空麼云捉得師云作麼  
 生捉堂以手撮虛空師云作麼生恁麼捉虛空堂却問師  
 兄作麼生捉師把西堂鼻孔拽堂作忍痛聲云太煞拽入  
 鼻孔直得脫去師云須是恁麼捉虛空始得  
 南泉願禪師問黃蘗定慧等學明見佛性是不蘗云十二  
 時中不依倚一物師云莫便是長老見處不蘗云不敢師  
 云漿水錢且置草鞋錢教誰還蘗不對  
 馮山問仰山云莫是黃蘗搆南泉不得麼仰云不然須  
 知黃蘗有陷虎之機馮云子見處得與麼長保福展

云若無馮仰埋沒著黃蘗五祖戒云仰山大似為蛇  
 畫足栗峰悅云若不同牀卧焉知被裏穿  
 佛眼遠頌云問答分明已切磋幾人於此見諸訛少年  
 俱決龍蛇陣老倒同吟稚子歌佛鑑勸云昨夜銀蟾  
 跨箕尾暮然一陣天風起捲盡千重萬重雲碧空寂寂  
 疑如水海印信云兩陣交鋒戰不難埋兵調鬪何人  
 曉只解輪鎗趁勢來喪身失命有多少佛慧泉云獵  
 獐奔馳勢不休草深風勁更堪愁翻身獅子無尋處空  
 使行人說路頭  
 藥山儼禪師問龐居士云三乘中還著得這箇事麼士云  
 只管日求升合延時不知還著得麼師云道居士不見石  
 頭得麼士云拈一放一未是好手師云老僧住持事繁主



珍重便出師云拈一放一的是好手土云好箇三乘問宗  
今日失却也師不語

佛鑑勸云時人只知龐老藥山河裏行船岸上走馬殊  
不知移花兼蝶至寶石得雲饒雖然如是瞋睡惺始得  
塗毒策云金不避鑿玉不畏琢藥山轉身吐氣龐老換  
局下某雖然黑白分明蹉過當頭一著且道如何是當  
頭一著只許老胡知不許老胡會

長髭曠禪師因廊下見僧問訊師云步步是汝證明處汝  
還知麼云某甲不知師云汝若知我堪作甚麼僧禮拜師  
云我不堪汝却好

佛鑑勸云輸機者勝欺敵者亡長髭和尚命似懸絲  
長髭因僧至遶禪牀一匝卓然而立師云若是石頭法席

百頭希遷  
法嗣

馬祖道一禪師  
法嗣池州曹  
祖山空雲禪師  
傳有七

一點也用不著僧又行一匝師云却是恁麼時不易道得  
箇來處僧便出去師乃喚僧不顧師云這漢猶少教詔在  
僧却回云有一人不從久得不受教詔不落階級師還許  
麼師云逢之不逢逢必有事僧乃退身三少師却遶禪牀  
一匝僧云不唯宗眼分明亦乃師承有據師打三下  
佛鑑勸云又不打一棒又不打五棒因甚麼只打三棒  
眾中商量或云是賞或云是罰賞則賞伊機鋒截便祇  
對有叙罰則罰他不識觸淨到來印可宗師如斯理論  
深屈古人老僧不惜眉毛為你一時註脚卓拄杖三下  
魯祖雲禪師因洞山來參禮拜了侍立少頃而出却再入  
來師云祇恁麼祇恁麼所以如此洞云大有人不肯師云  
作麼取汝口辨洞山乃侍奉數月



石樓禪師有僧禮拜起問未識本來性請師方便指師云  
石樓無耳朵云某甲自知非師云老僧還有過云和尚過  
在甚麼處師云過在你非處僧禮拜師便打

佛鑑勸云宗師眼自耀古騰今祖令當行棒有礙敗這  
僧既禮拜因甚打他為復是褒他是貶他非只如問未  
識本來性請師方便指樓云石樓無耳朵此語為復是  
指他性否他話試檢點看要識石樓與這僧麼一入爛  
泥有刺一人綿絮裏針只恐踏不著踏著方知有淺深  
塗毒策云石樓無耳朵聞見自分明這僧自知非言中  
還有響既是禮拜因甚麼却喫棒還知麼棒頭有眼明  
如日要識精金火裏看

石林禪師問龐居士有箇事相借問居士不得惜言句士

云便請舉來師云元來惜言句士云這箇問訊不覺落他  
便宜師掩耳而去士云作家作家

佛鑑勸云龐公雖然賊過後張弓也被他使著石林雖  
得便宜圖他一粒米失却半年糧

大顛通禪師因三平問不用指東劃西請師直指師云幽  
州江口石人蹲平云猶是指東劃西師云若是鳳凰兒不  
向那邊討平作禮師云若不得後句前話也難圓

圓悟勤云徹底老婆心不向那邊討父子要投機無端  
金流草 佛燈珣云三平既不用指東劃西大顛乃移  
南作北三平不免喚爺作父多大顛便乃和乳餒飯信知  
義出家和父慈子孝得即得檢點將來大似屋裏販揚  
州汝等諸人須知慧日無箇般茶飯管取飽齎齎地



萬歲禪師僧問大眾雲集合談何事師云序品第一

歸宋柔別云禮拜了去

僊天禪師僧來參纜展坐具師云不用通時暄還我文彩  
未生時道理來云某甲有口瘡却即閉苦死覓箇膈片扇  
子作麼師拈棒作打勢僧把住云還我未拈棒時道理來  
師云隨我者隨之南北不隨我者死在東西云隨與不隨  
且致請師指出東西南北師便打

佛鑑勲云明鏡當臺物來斯照洪鐘在架隨扣發聲僊  
夫解驅耕夫之牛奪飢人之食這僧能向毒蛇頭上措  
痒驪龍頷下抉珠雖然如是我觀多少弄潮人畢竟須  
歸潮中死大滿智云本分鉗鎚能鍛精金成大器還  
他僊天老人千古萬古為規為模雖然如是猶欠悟在

且道悟後如何良久云把火覓不得正眼不能窺遂唱  
唱

僊天因披雲來纜入方丈師便問未見東越老人時作麼  
生為物云祇見雲生碧嶂焉知月落寒潭師云只與麼也  
難得云莫是未見時麼師便唱雲展兩手師云錯恠人者  
有甚麼限牽掩耳便出師云死却這漢平生也

佛鑑勲云喻似敵手下其難則著著不落別處其奈須  
看輸贏既有輸贏便成勝負要得兩無傷損麼待僊天  
道死却這漢平生也披雲便好向道元來是錯恠人僊  
夫却好展兩手便得始終一貫頭崖雙全雖然如是你  
諸人各各摸索腰下斧柄看塗毒策云一期看之二  
俱作家子細檢點將來二俱漏逗僊天好唱下不著所



在披雲好掩耳不能踏步盈前雖然有輸有贏畢竟干戈相待還知麼愛逞風流吹蚊蝶不知笑臉已帶斜  
僊天問洛銜甚處來云南溪師云還將得南溪消息來麼云消即消已息則未息師云最苦是未息云且道未息箇甚麻師云一面見面千載忘名銜拂袖便出師云弄死蛇手有甚限

佛鑑勲云可惜許老僧當時若做洛銜便放出一條活蛇直饒僊天神通過於木目乾連到這裏也須在解冰消且道落在甚麻處來生今日向你道大瀉知自云諸仁者莫道洛銜是弄死蛇手他弄得活僊天幾乎喪却性命亦親遭他毒手了也諸仁者也須各自照顧著莫道山僧不向你道

瀉山枯禪師僧問從上諸聖直至如今和尚意旨如何師云你目前是甚麼物云只這箇便是麼師云阿那箇云適來指底師云你疑那箇去莫生事

佛鑑勲云問頭太儉答處太奢二俱不了大瀉智云這僧彩好不知落處若知落處瀉山堪作甚麼瀉山恁麼為人有甚交涉乃拈起拄杖云瀉山若知有這箇風光萬古傳無盡直至而今不絕人以拄杖擊禪牀一下塗毒策云瀉山與這僧布百萬軍陣臨了使瓦片相擊我若作這僧待瀉山道目前是甚麼物好與一喝瀉山若見這僧道莫只這箇便是劈脊便棒非唯勦絕葛藤亦乃頭正尾正

瀉山問仰山終日與子商量成得箇甚麼邊事仰山於空



中劃一劃師云若不是吾終被子感  
佛印元頌云盡日商量古佛言當時一劃却成冤至  
尚有馮山在真道宗枝絕子孫地藏恩云松直棘曲  
烏玄鶴白末後商量空中一劃若言向上玄關走殺諸  
方禪客

馮山見僧來參便作起勢僧云請莫起師云我未曾坐云  
某甲未曾拜師云何得無禮

保寧勇代云因誰致得拂袖便行

趙州論禪師僧問毫釐有差時如何師云天地懸隔云毫  
釐無差時如何師云天地懸隔

徑山果云諸人要識趙州麼慣從五鳳樓前過手握金  
鞭賀太平

趙州僧問承師有言世界壞時此性不壞如何是此性師  
云四大五陰云此猶是壞底如何是此性師云四大五陰  
法眼云是一箇兩箇是壞不壞且作麼生會試斷看

趙州到保壽壽見來遂乃背面而坐師便展坐具壽起立  
師便出去

趙州僧問言詮不到處請師直道師云老僧耳背多時僧  
遠禪牀一匝云請師直道師亦遠禪牀一匝云百千諸佛  
皆從此門而入云如何是百千諸佛三昧門師便打

圓悟勤云持龕作痘趙州慣用此機逐色隨聲這僧分  
明失利更好與數十棒也不為分外何故若不同牀睡  
焉知被底穿

趙州一日問南泉明頭合暗頭合泉便歸方丈師歸堂去



云這老和尚被我一問直得無言可對首座云莫道和尚無言自是上座不會師便與首座一掌云這一掌合是堂上老漢喫

五祖戒云正賊走却邏賊人喫棒又云南泉當斷不斷返招其亂雲君舜云你諸人作麼生會諸人會處便道首座落他趙州繼續與麼會又爭得大愚道趙州大似傍若無人

保寧勇頌云大事當陽已皎然十分須是更周圓堂中上座黑如漆冷地為誰喫暗拳

趙州曾問南泉離四句絕百非請師道泉便下座歸方丈師云這老漢尋常口吧吧地今日被我一問直得無言可對侍者云莫道和尚無語好師便與一擗云這一擗合是

至老師喫

圓悟勤云明頭合暗頭合本分綱宗據虎頭收虎尾作家手段雖然如是要且落在第二頭

智門祚頌云離却四句絕百非作者相諳識得伊跳下禪牀便歸去從他鷄子搏天飛

趙州陞堂云纔有是非紛然失心還有答話分也無時落浦在眾乃扣齒雲君云何必師云今日大有人喪身朱命

有僧云請和尚更舉師再舉前話僧指傍僧云這僧作恁麼語話師休去

趙州僧問如何是古人言師云諦聽諦聽西禪需云諦聽即不無切忌喚鐘作甕

睦州蹤禪師僧問如何是展演之言師云量才補職云如



何是不展演之言師云伏惟尚享

徑山杲云睦州古佛善應來機雖然如是只得八成或

有人問徑山如何是展演之言即向他道問十答百有

甚麼難如何是不展演之言喝一喝云且莫屎雲涕

睦州問武陵長老了即毛吞巨海始知大地一微塵作麼

生云和尚問誰師云問長老云何不領話師云我不領話

你不領話

雪竇顯云墮也墮也復云這葛藤老漢好與劃斷拈拄

杖云甚麼處去也 天童覺云睦州武陵總道不領話

其間有貪觀白浪失却手橈乃豎起拂子云看

洞中价禪師見雪峰來乃云入門須得有語不得道早箇

入了也峰云某甲無口師云無口且從還我眼來峰休去

先雲居別前語云待某甲有口即道 長慶稜別云與

麼則某甲謹退 雲居徵云祇如雪峰與麼道是入門

語不是入門語

洞山因僧來舉問茶菓如何是沙門行更云行即不無人

覺即垂師令其僧去進語云未審是甚麼行更云佛行佛

行僧回舉似師師云幽州猶似可最苦是新羅僧却問師

如何是沙門行師云頭長三尺頸長二寸

東禪齊於新羅處云此語還有疑訛也無若有且道甚

麼處不得若無他又道最苦是新羅還點檢得出麼他

道行即不無人覺即垂師令再問是甚麼行文道佛行

那僧是會了問不會而問請斷看



師隨後至瀉云子適來問甚麼話師云大用現前如何辨  
白瀉云錯師思自云香巖師弟來莫道無語

松源岳云是即全是非即全非大用現前攜手同歸不  
知猶自涉離微

德山鑒禪師因僧相看乃近前作相撲勢師云與麼無禮  
合喫山僧手裏棒僧拂袖便行師云饒汝如是也只得

半僧轉身便喝師打云須是我打你始得云諸方有明眼  
人在師云天然有眼僧壁開眼云猶便出師云黃河二千

年一度清

圓悟勤云俊哉衲子德山老漢尋常據一條白棒佛來  
也打爭柰打這僧不著何故為他過了機關外透西羅  
籠表祖域駘馳天馬子神通妙用得縱橫三千年度誠

希有九曲黃河徹底清

應菴華云這僧是透關底漢

若非德山本分鉗鎚幾乎死在句下只如德山道黃河

三千年一度清又作麼生嶺梅殘雪後雲鬢未梳時

道書智禪師到五峰峰問還識藥山老宿麼師云不識峰

云為甚麼不識師云不識不識

丹霞淳頌云白雲深處路難通擬問蹤由已涉功掛角

羶羊無影跡從容還落正偏中

幽溪禪師僧問大用現前不存孰則時如何師起遶禪牀

一匝而坐僧欲進語師遂與一踏僧歸位立師云汝與麼

我不與麼汝不與麼我却與麼僧再擬進語師又與一踏

云三十年後吾道大行

地藏恩云前下踏依稀似土後下踏彷彿如沙若辨得

雲岩晟和尚

法嗣

傳打去



道吾山圖智  
和高法嗣

傳灯十五

類聚七

三

出與你一路。應庵華云善射者箭不虛發若是箇漢何處更有幽溪雖然只如最初一踏何似末後一踏試檢點者。

祿青禪師有僧來師以目視之僧云是箇機關於某甲分上用不著師彈指三下僧遶繩牀一匝依位而立師云莫妨參堂去僧纔出去師便唱僧以目視之師云酌然是不著僧禮拜而退。

佛鑑勲云祿青眼裏有筋這僧皮下無血彈指三下醉後添盃遠禪牀一匝如蠶禦木佛法門中無不可衲僧分上天地懸殊要辨端倪麼一等是將錯就錯大瀉智云祿青垂釣千尺意在深潭祇釣得龍這僧探竿影草要知淺深彈指之機錦鱗上釣妙中之妙遠禪牀

一匝全身放下袖手見處未了未了要得勦絕萬里無痕咄

黃連禪師僧問如何是聲前一句師云聲前無句聲後問將來

投子青頌云空劫前時曠路閑聲前無句信人難欲窮滄浪白雲曲且看石人露半顏

石霜諸禪師僧問三千里外遠聞石霜有箇不顧師云是云只如萬象歷然是顧不顧師云我道不驚衆云不驚衆是不與萬象合如何是不顧師云遍界不曾藏

雲竇顯云誰是不顧者

來山會禪師坐次洞山到來云作麼生師云祇與麼

雲門代洞山云不放過又作麼生代來山便唱師又拈



來山云祇與麼元來祇在蝦蟆窟裏又云祇與麼也難得

投子同禪師因太原平上座來參師云又響乎上座莫便是麼乎作掌勢師云老僧招得乎便出去師云且聽諸方斷看乎却回師便打有僧舉似玄沙沙云莫是投子招得麼

佛鑑勸云投子老兒威風凜凜虎視眈眈坐斷一方四海望崖而退無何落在乎上座陷穽中出不得如何出得這老漢試下一轉語本覺云乎上座是黠兒落節爭奈投子有生擒虎兒之機若能透得這一關便可諸方獨步

雪峰存禪師僧問如何是第一句師良久僧退舉似長生

生云此是第二句師聞令僧問長生如何是第一句生云蒼天蒼天

西禪雲云雪峰毒蛇頭戴角長生猛虎尾吐沙老維然恁麼要且未明第一句在若有人問山僧如何是第一句只向伊道糞掃堆頭更添楹檟

雪峰一日喚僧近前來僧近前師云去

雲南舉問僧你作麼生道得义手句你若道得义手句即見雪峰

雪峰僧問學人未盡其機乞師盡師良久僧禮拜師云若到諸方作麼生舉云某甲終不敢錯師云你未出門早錯了也

保寧勇別云和尚得恁麼老婆心切



雪峰問乎上座見說臨濟有三句是不云是師云如何是第十句乎舉自視之師云此是第二句如何是第一句乎

又手而退師深器之  
巖頭密禪師因羅山問起滅不停時如何師乃咄云是誰起滅

松源岳云古人慈悲之故有落草之談薦福即不然忽問起滅不停時如何但與一喝

天童覺頌云斫斷老葛藤打破孤窠窟豹披霧而變文龍乘雷而換骨咄起滅紛紛是何物

巖頭僧問三界競起時如何師云坐却著云未審師意如何師云移取廬山來即向你道

曹山本寂禪師僧問幻本何真師云幻本元真云當幻何

顯師云當幻即顯云恁麼則同於幻化去也師云了幻化不可得

圓悟勤云半寸快刀是處割截一點明燈應時破暗曹山解向窠窟裏打破窠窟遂見著著有出身之機正當恁麼時如何履踐到得清虛安穩地用時全不費工夫

谷山禪師問秀溪聲色純真時如何溪云椀鳴作麼師從東過西立溪云若不恁麼則禪生師却從西過東立溪下禪牀行三五步師把住云聲色純真又作麼生溪與一掌師云百年後要箇人下茶也無溪云要谷山老漢作麼師大笑

佛鑑勤舉了呵呵大笑云也大好笑有甚好笑處樓前巧燕雙雙語林上嬌鶯對對飛因看古人無義話等閑



又得一聯詩

九峰滿禪師僧問古人道真因妄立從妄顯真是不師云  
是云如何是真師云不雜食云如何是妄師云起倒攀緣  
云去此二途如何會得圓常師云不敬功德天誰怕黑暗  
女

圓悟勤云妄顯諸真妄真同一妄猶非真非真云何  
見所見豈不見道真不立妄本空還知九峰為人處麼  
大千沙東海中漚一切聖賢具如電拂

崇福志禪師僧問如何是實廓之言師云無舌古人道得  
投子青頌云實廓言時不犯舌清風高韻瑩雲斜石人  
貪話西峰事不覺東巖起霧遮

廣德義禪師僧問古人云言語道斷非去來今此理如何

香嚴閑  
法嗣  
益刑崇福演  
教大師付灯十二

師云彌勒涅槃知幾劫護明猶未降迦維

丹霞淳頌云妙湛圓明第一機降生成道涅槃時迦維

摩竭雙林樹認著元來不是伊

南際一禪師到雪峰數百次到玄沙沙云此事唯我能知  
長老作麼生會師云須知有不求知者沙云山頭老漢用  
許多辛苦作麼

雪竇顯別際語云雪峰門下幾箇如斯

覆船存禪師見僧來作起身勢僧便出去師云闍梨且容  
人事僧回作抽坐具勢師却歸方丈僧云蒼天蒼天師云  
龍頭蛇尾僧叉手近前而立師云敗將投主不存性命  
圓悟勤云動絃別曲葉落知秋轉變縱橫不妨管帶這  
僧與覆船相見不爭一線雖然如是及至契勘將來若



會道得箇隔身句始見光前絕後明眼底試辨看

雲門復禪師問乾峰云請師答話峰云到老僧也未師云  
恁麼則某甲在邊也峰云恁麼那恁麼那師云將謂猴白  
更有猴黑

應審華云二老宿一等相見就中奇特光孝今日為諸  
人說道理一徧將謂春歸無不見處不知還入此中來

天童覺頌云絃管相銜網珠相對發百中而箭箭不虛  
攝衆景而光光無礙得言句之總持任遊戲之三昧妙  
其間也宛轉徧圓必如是也縱橫自在

雲門僧問如何是啐啄之機師云響

真淨文頌云有問啐啄機雲門答云響昨日雷震天夜  
來山水長圓通偈云啐啄之機響字酬過空雷電忽

傾湫夜來露滂漫天雨幾處波濤打釣舟

雲門僧問不是目前機亦非目前事時如何師云倒一說

雲竇顯頌云倒一說分一節同死同生為君決八萬四  
千非鳳毛三十三人入虎穴別別擾擾忽忽水裏月

正覺逸云倒十說清人骨萬里無伴雲拋下一團雪別  
別老大禪翁甘滅舌野軒傳云倒一說這饒舌無端

都把天機泄四海九州徒蹶蹶飛出龍宮鎖蟾兔

雲門僧問如何是沙門行師云會不得云為甚麼會不得  
師云祇守會不得

智門祚頌云君問沙門行沙門行最高若教會得業  
性卒難逃

雲門僧問如何是驚受句師云響



雪堂行云雲門答這僧話不得便休却鼓粥飯氣以當平生

雲門問曹山如何是沙門行山云喫常住苗稼者師云便恁麼去時如何山云你還畜得麼師云學人畜得山云作麼生畜師云著衣喫飯有甚麼難山云何不道披毛戴角門禮拜

徑山泉云二尊宿恁麼問答未免在驢胎馬腹裏作活計雖然如是狗銜象書諸侯避道

九峰慧禪師因瀉山上堂云汝等諸人只得木體不得木用師便抽身出去瀉召之更不回顧瀉云此子堪為法器保福云依佛似曲失前忘後

龍牙道禪師僧問終日區區如何頓息師云如孝子喪却

父母始得

東禪齊云象中道如喪父母何有閑暇恁麼會還息得人疑情麼除此外且作麼生會龍牙意

灌溪閑禪師初參臨濟纔跨門濟驀曾擒住師便云領領濟便托開云且放你一頓師住院後云我見臨濟無言說直至子今飽不飢

應庵華云灌溪氣宇如玉被臨濟活埋在鎮州十字街頭當時若是光孝棒折也未放他在何故家肥生孝子國霸有謀臣木庵承云乞兒見少利松源岳云爐

韞之所鈍鐵猶多雖然如是不因夜來鴈爭身海門秋玄沙俗禪師見上座便云新到相看乎云已相見了也師云甚麼劫中曾相見來乎云真瞌睡



雪竇顯別云這賊敗也

玄沙僧問是甚麼得恁麼難見師云只為太近

法眼云也無可得近直下是上座

玄沙僧問向上宗乘此間如何言論師云少人聽

僧舉問大林道道云待汝移却石耳峰我即向汝道

歸宗柔別云且低聲

鼓山曼國師一日與招慶相遇慶云家常慶云無厭生慶

云且欸欸師却云家常慶云今日未有火師云大鄙文生

慶云穩便將取去

東禪齊云此二尊宿語還有得失也無若有阿那箇得

阿那箇失若無得失諸人未具行脚眼在

長慶稜禪師僧問古人有言相逢不擊出舉意便知有時

如何師云知有也未僧將前語問保福福云此是誰語僧

云丹霞語福云去莫妨我打睡

南院顯禪師上堂云赤肉團上壁立萬仞時有僧出問赤

肉團上壁立萬仞豈不是和尚道師云是僧便揪倒繩牀

師云你看這漢亂做僧擬議師便打趁出院

應庵華云也是勾賊破家若非這僧敢採虎鬚爭見南

院汗馬功高雖然明果更資一路赤肉團上壁立萬仞

若有僧出劈脊便打何故殺人刀活人劍具眼者看

塗毒策云莫信直中直須防仁不仁這僧雖亂逞英雄

南院是作家手段然而美則美矣若是徑山即不然纔

見他道是和尚語不隨聲便打何也驢人端的處下口

便知音松源岳云這僧一味小心放大膽南院老也



是養字之緣

鼓山珪頌云掌中擎白日舌上覆金錢壁立爭千仞  
光徹梵天徑山果云赤肉團邊用得親主賓有理各  
難伸兩箇馳手相逢著世上如今無直人

曹山本寂法嗣

金峰志禪師僧問四海晏清時如何師云猶是階木漢  
丹霞淳頌云四海煙塵已晏然當軒皓月照久寒大功  
不賜將軍賞寶馬金鏘頓懶觀

金峰有僧問訊師把住云轉不得向人道我有一則因緣  
舉似你僧作聽勢師與一掌僧云為甚麼打某甲師云你  
但喫掌我要這話行

開善謙云可惜許金峰好一則因緣被這僧搦却若要  
話行這一掌須是金峰自喫始得 圓悟勤云鷓鴣鳥

立枯池魚從脚下過鷓鴣總不知且道落在甚麼處六  
耳不同謀

大覺禪師僧問忽來忽去時如何師云風吹柳絮毛毬走  
云不來不去時如何師云華嶽三峰頭指天

黃龍南云大覺祇解箭鋒相拄理事相投殊不知趁得  
老鼠打破油甕

利山禪師僧問衆色歸空空歸何所師云舌頭不出口云  
為甚麼如此師云內外一如故

徑山果云事存函蓋合理應箭鋒拄須還利山始得若  
是徑山即不然或問衆色歸空空歸何所為藥花開菩  
薩面撥攔葉散夜叉頭為甚麼如此但辨肯心必不相  
賺

馬祖道一

法嗣

傳灯八



報慈嶼禪師僧問承古有言情生智隔想變體殊只如情未生時如何師云隔云情既未生隔箇甚麼師云這稍郎子未遇人在

琅琊覺云報慈不妨入泥入水若據衲僧門下遠之遠矣黃龍新云報慈也是小慈妨太慈這僧還同受屈稍郎子未遇人在今時人徃徃作是非會却不作是非會如何理論良久云天上有星皆拱北人間無水不朝東開福寧云報慈一隔佛祖命脉放去收來聖凡罔測隔不隔若為陳撻取詩書歸舊隱野花啼鳥一般春天衣懷須云報慈一隔衲僧命脉欲識一貫兩箇伍伯白雲端云無情猶隔若為通絲髮之間路萬重可借兩頭空走者不能直下見其宗大中德云隔青天無雲

轟霹靂叢林衲子如稻麻不知幾箇僂陀客

青峰楚禪師僧問太事已成爲甚麼也如喪考妣師云不得春風花不開及至花開又吹落

丹霞溥頌云家山歸到莫因循竭力寅昏奉一親機盡功忘恩義斷便成不孝闡提人

鏡清愆禪師僧問聲前絕妙請師指歸師云許由不洗耳云爲甚麼如此師云猶繫脚在云某甲只如此師意又如何師云無端夜來鴈驚起後池秋

圓悟勤云這僧持龔詐短鏡清見兔放鷹聲前獨露全機未免承虛接響且道鏡清端的畢竟落在甚麼處出身猶可易脫體道應難

鏡清問雪峰只如古德豈不是以心傳心峰云兼不立文



字語句師云只如不立文字語句未審如何傳授峰良久  
 師便作禮峰云更問我一轉語豈不好師云就和尚請一  
 轉問頭峰云只恁麼為別有商量師云和尚恁麼即得峰  
 云汝又作麼生師云辜負殺人  
 鏡清僧問明知生是不生之相為甚麼却被生死所流師  
 云明知無力  
 翠巖代云不關老兄事 首山念代云自領過又云喚  
 甚麼作生死又云爭得不知有  
 鏡清僧問盡乾坤不出一刹那今時人向甚麼處辨明師  
 云共語商量  
 翠巖代云向你道甚麼辨明 首山念代云不問他別  
 人又云明眼人笑你又云用辨即非

送

鏡清上堂良久有僧問祖歌如何唱師云拖送醉人酒云  
 恁麼則孤負和尚也師云猛虎不食伏肉  
 神鼎誦云古又恁麼道句前明白後明會麼未問已前  
 會取好  
 鏡清僧問學人啐請師啄師云遠得活也無云若不活遭  
 人恠笑師云也是草裏漢  
 雪竇顯云衲僧有此奇特事若一人半箇互相平復古  
 聖也不虛出來一匝復頌云古佛有家風對揚遭剋剝  
 子母不相知是誰同啐啄啄覺猶在殼重遭撲天木衲  
 僧徒名選  
 上藍超禪師僧問如何是上藍本分事師云不從千聖借  
 豈向萬機求云不惜不求時如何師云不可拈放閻梨手

頌終

三



裏得麼

丹霞淳頌云一片虛明本妙圓箇中非正亦非偏寶峰  
瑞草無根蒂不待春功色自鮮

同安察禪師問僧善惡不思心體自現古人還有理也無  
云莫是古人深意麼師云胡人飲乳返恠良醫僧禮拜便  
出師云若到諸方莫道參見同安來

圓悟勤云鈎頭香餌意在錦鱗一掣纜來翻身脫出賴  
是同安有手段諸人還知末後句麼不犯清波意自殊  
西禪雲云同安窮始究未截斷請訛這僧知時別宜不  
妨具眼因甚却道若到諸方莫道參見同安來還委悉  
麼擊水杖痕人莫問釘空鎖跡我全取

同安僧問學人未曉時機乞師指示師云參差松竹煙凝

薄重疊峰巒月上遲僧擬進語師云劍中未施賊身已露  
僧云何也師云精陽不剪霜前竹水墨徒誇海上龍僧遠  
禪牀一匝大笑而出師云閉目食蝸牛一場酸澁苦

圓悟勤云以多制寡以強凌弱於理不難也須防爛泥  
有刺始得同安一往施呈這僧十分風彩爭如當處和  
平好忽有人問蔣山學人未曉時機乞師指示只對他  
道入寺看額入鄉問俗齋時有飯晨時有粥佛燈珣  
云漫夫網鐵門關慣透者如履闌外直饒關網併絕其  
奈轉身有路何者仰天大笑出門去我輩豈是蓬蒿人  
塗毒葉云同安寬處包裹不住急急處水泄不通不是這  
僧領略爭得八面清風然雖與麻多亦各有所負或問  
山僧學人未曉時機請師指示只對他道老鸛揆磨大



蟲作舞甜瓜徹蒂甜苦瓠連根苦

芭蕉禪師僧問不落諸緣請師直指師云有問有答

徑山果云芭蕉雖善用劔刃上事子細檢點將來大似

日中逃影孤負這僧今日或有人問徑山不落諸緣請

師直指只向他道猩猩雖能言畢竟是畜類

洛浦安禪師僧問萬仞懸崖須進步如何免得喪於身師

云須彌繫藕絲云是何境界師云刹竿頭上仰蓮心云澄

澄湛湛也師云須彌頂上再翻身云恁麼則兢兢切切也

師云空隨蝶鶴走虛喪網羅身云如何得不隨去師云鸚

鵡銜頸小撮透望天飛

圓悟勤云洛浦舊作家手段解黏去縛直得背蓋鉗鎚

這僧業業兢兢畢竟玄黃眩目不免隨上走下若是箇

解脫底一刀兩段更有甚麼難還委悉麼萬丈懸崖能

撒手無邊刹海任遨遊

洛浦僧問無問無答請師答語師云你不是丁姚僧云謝

師答話師云中九下七

圓悟勤云趁得老鼠打破油甕小慈妨太慈何不與本

分草料

太原孚上座初到雪峰纔上法堂顧視雪峰便下去見知

事明白却上方丈作禮云昨日觸忤和尚峰云知是般事

便休後有僧問雲門作麼生是觸忤處門便打

雪竇顯於見知事處云一千五百人善知識被孚老一

覷便高懸降旗又於便休處云果然於未後云打得百

千萬億箇有甚麼用處直須盡大地人喫棒方可扶豎



白水本仁法嗣

曹山本寂法嗣

岩頭全夫歲法嗣

雪峰且道乎上座具甚麼眼

海印信頌云李廣將軍古今無對深入虜庭全身遠害

不動干戈贏小捷至今邊塞嘉聲在

重慶禪師僧問如何是歸根得旨師云早時忘却不穩塵

生

投子青頌云家破人亡何處依無心無緒話求歸十年

忘盡來時路暫憶此覓總不知

蜀州西禪禪師僧問如何是非思量處師云誰見虛空夜

點頭

丹霞淳頌云一點靈明六不收昭然何用更凝眸箇中

消息人難委獨有虛空暗點頭

瑞巖彦禪師問夾山與麼即易不與麼即難與麼與麼即

惺惺不與麼不與麼即居於五界與麼不與麼請師速道山  
云老僧謾闍梨去也師便唱云這老和尚是甚麼時節便  
出去後有僧舉似巖頭頭云苦哉將我一枝佛法與麼流  
將去

佛鑑勸云瑞巖恁麼問風不鳴條夾山恁麼答兩不破

塊巖頭恁麼說話嘉禾合穗野老謳歌雖然如此總欠

悟在何故世事但將金道斷人心難與月輪齊木瀉

智云瑞巖問處教出囚口來山逢久展手巖頭有判斷

手段今古流輝雖然如是各自有據檢點將來無風起

浪

白雲藏禪師僧問如何是深深處師云矮子渡深溪

丹霞淳頌云白頭童子智尤長半夜三更渡渺茫任運



往來無間斷不消船艇與浮囊

天竺韶國師僧問名假法假人空法空向上諸緣請師指  
示師云謝此一問云不覩王居壯爭知天子尊師云負觀  
天上月失却手中撓

圓悟勤云問處七穿八穴暗負兩重苔來截斷衆流壁  
立萬仞且味得直截在勿有人問蔣山名假法假人空

法空向上諸緣請師直指只向他道錦上鋪花數萬重

風穴沼禪師因念法華真園頭侍立次師問真云作麼生  
是世尊不說說迦葉不聞聞真云鶉鳩樹頭啼意在麻  
裏師云你作許多癡福作甚麼何不體究言句又問念云  
你作麼生念念云動容揚古路不墮悄然機師云你何不看  
念法華下語

徑山果云山僧當時若見這老漢恁麼道深掘一坑下  
時埋却更牽牛從上踏過却須放真公出一頭始得山  
僧恁麼道且不是抑強扶弱亦不是杜撰差排你若識  
得鶉鳩樹頭啼意在麻裏便識得動容揚古路不墮  
悄然機這兩轉語畢竟是一耶是二耶若道是一為甚  
麼風穴只肯念法華却不肯真園頭若道是二爭奈落  
霞與孤鷺齊飛秋水共長天一色參

風穴僧問百了千當時如何師云不許夜行投明須到  
風穴到黃龍龍問石角穿雲路垂條意若何師云紅霞籠  
玉像擁壇照川原云恁麼則相隨來也師云和尚低聲  
投子青頌云無價明珠暗處懸夜深將把木人穿誰知  
却被泥牛見吞入紅霞碧浪淵



同安志禪師僧問二機不到處如何舉唱師云徧處不逢  
玄中不失

丹霞道頌云這邊那畔總難逢一句無私不處中紅日  
暮沈西嶂外空留孤影照溪東

法眼益禪師僧問聲色兩字如何透得師云大眾若會這  
僧問處透聲色也不難

天童覺云從前不了祇因家賊難防直下分明且向草  
庵止宿

法眼問修山主毫釐有差天地懸隔是如何修云毫釐有  
差天地懸隔師云與麼道又爭得修云某甲只與麼師兄  
作麼生師云毫釐有差天地懸隔修遂禮拜

東禪齊云山主恁麼祇對為甚麼不肯及乎再請益法

眼亦只恁麼道便得去且道疑訛在甚麼處若看得透  
道上座有來由 五祖出法眼劈脊便打 保寧勇代

修山主云恁麼會又爭得 元豐滿云噫許大修山主  
被泥彈子換了眼睛還知麼復云後面禮拜也是停囚

長智 徑山杲云法眼與修山主絲來線去綿綿密密  
扶墜地藏門風可謂滿自光生若是德山臨濟門下更

買草鞋行脚始得為甚如此毫釐有差天地懸隔甚處  
得這箇消息來

汾陽昭頌云宗師故故問同人一擊毫釐兩路分再審  
便能明的肯自然清白不從聞 保寧勇云石城親坊

問同參不語東西便指南明暗兩條來往路依稀屈曲  
在煙嵐 正覺逸云堪悲堪笑修山主因地起方因地



倒觀面難藏第一機令人却憶雲門老 佛印元云六  
國當時已太平 太平纔久不知兵 修公換得長蛇陣天  
下人人會死生 天童覺云秤頭蠅坐便欺傾萬世權  
衡照不平 斤兩錙銖見端的 終歸翰我定盤星  
法眼僧問如何是塵劫來事 師云盡在今  
揚次公頌云塵劫來事盡在今 祖師不會面壁沈吟  
法眼問寶資長老古人道山河無隔礙 光明處處透作麼  
生是處處透底光資云東畔打羅聲  
歸宗柔別云和尚擬隔礙  
梁山觀禪師僧問如何是日用事 師云碧玉點破琉璃色  
滿自紅塵不見沙  
丹霞溥頌云劫火洞然無相宅 金門不覩玉樓家 寶矣

雲澹銀河冷 浩浩波瀾豈動沙  
天童啓禪師僧問學人卓卓上來請師的的 師云我這裏  
一荷便了有甚麼卓卓的 云和尚與麼答話更買草鞋  
行脚始得 師喚其僧近前 僧近前 師云只如老僧恁麼祇  
對過在甚麼處 僧無語 師便打  
應庵華云啓禪師故是本分鉗鎚塞新天童口未得在  
這僧雖入闡奧要且未具透關眼  
首山念禪師僧問一毫未發時如何 師云路逢穿耳客云  
發後如何 師云不用更遲疑  
神鼎誣云曾有僧問神鼎一毫未發時如何 只向伊道  
白雲蒼嶺上發後如何 云澗水下流復云若是前來兩轉  
語有可敲嚼 東看西看 若是神鼎這話如喫木札在片



相似實無滋味直是自見自悟始得會麼天高東南地傾西北

汾陽昭禪師僧問如何是接初機句師云汝是行脚僧云如何是辨衲僧句師云西方日出卯云如何是正令行句師云千里特來呈舊面云如何是定乾坤句師云北俱盧洲長糲米食者無貧亦無嗔師復云將此四句語驗天下衲僧

大愚芝云子細思量將此四句語被天下衲僧勘破照覺總云驗則驗矣爭奈有箇人不肯實證今日對大眾前敢別汾陽四轉語別一句云無底鉢盂光烜熾別二句云天台柳樑黑粼皴別三句云戴盤鍊腹三千里別四句云人間天上一般春師復云汾陽與麼驗天下

衲子寶峰與麼辨海上禪流

汾陽僧問切急相投時如何師云水中抱鴛鴦又問急切相投時如何師云裸形見阿難

琅琊覺云有一轉語截斷天下人舌頭有一轉語能開人眼目你若揀得出與你一條拄杖乃擲下拄杖

保福豁禪師僧問家貧遭劫時如何師云不能盡底去云為甚麼不能盡底去師云賊是家親云既是家親為甚麼翻成家賊師云內既無應外亦不能為云忽然捉賊功歸何處師云賞亦未曾聞云恁麼則勞而無功去也師云功則不無成而不處云既是成功為甚麼不處師云不見道太平本是將軍致不許將軍見太平徑山杲云絲來線去弄精竟



黃犀慧禪師謁疎山。正值坐法堂。參次。師先顧視大眾。然後設問云。刹那便去時如何。山云。逼塞虛空。你作麼生去。師云。逼塞虛空。不如不去。山休去。師下。至禪堂前。首座謂師云。通觀上座。祇對和尚語。甚奇特。師云。此乃率爾實自。偶然敢望慈悲。開示愚迷。座云。一刹那間。還有擬議也無。師於言下有省。

西禪需頌云。逼塞虛空。不如不去。前後際斷。今亦無在。倒騎佛殿。出二門。却把三門掛露柱。

慈明圓禪師因泉大道來。乃問。片雲橫谷口。道人何處來。泉顧視云。夜來何處。火燒出。古人墳。師云。未。在更道。泉作虎聲。師打一坐具。泉接住。推師置繩牀上。師却作虎聲。泉云。我見八十餘人。知識今日始遇作家。

雲門下  
明教師寬法嗣

應庵華云。二老漢當時若踏著臨濟向上底。我等今日白飯也無喫。還知薦福落處。麻葛拈拄杖卓卓。唱一唱。楊歧會禪師僧問。如何是不動尊。師云。大眾齊著力。

白雲端云。白雲即不然。如何是不動尊。禮拜著。

五祖戒禪師參智門。問。遠涉途程。即不問。林下相逢。事若何。師云。五鳳樓前聽玉漏。門云。主山高。案山低。師云。須彌頂上擊金鐘。

南堂靜云。此二尊宿。若以俗眼觀之。如牛馬風。似途程。客兩不相知。各不相顧。以正眼觀之。各具啐啄。同時底眼。各有啐啄。同時底用。針芥相投。箭鋒相拄。且道。是甚麼。得恁麼靈。良文云。但得雪消去。自然春到來。

五祖演禪師九見僧來。便云。屈屈僧云。屈作甚麼。師云。如



投子青法嗣

慈明法嗣

今不更待何時  
佛眼遠頌云盡力不奈何按牛頭喫草若無錦綉文難  
以論嘉藻

天寧楷禪師僧問夜半正明天曉不露如何是不露底事  
師云滿船空載月漁父宿蘆花

丹霞溥頌云星流水國夜燃燈月印江天明似鏡隱顯  
無私位不該依佛擬動成偏正

黃龍南禪師僧問不去不來時如何師云華嶽三峰頭倒  
卓云却去却來時如何師云風吹柳絮毛毬轉

靈光觀頌云冰雪肌膚西舍女梳粧巧巧畫雙眉傍人  
筆力強傳寫不外如何見得伊

馬大師法嗣

賓主

西堂藏禪師僧問有問有答賓主歷然無問無答時如何  
師云怕爛却那又僧問長慶慶云相逢盡道休官去林下  
何曾見一人

靈寶顯云何不與本分草料

馬祖一禪師法嗣

杭州鹽官鎮國  
海昌院齊安禪  
師 伯打七

鹽官安國師因法空禪師到師云自禪師到來貧道總未  
作主人空云請和尚便作主人師云今日夜也且歸本位  
安實明白却來空下去至明白師令沙彌屈法空空至師  
顧沙彌云咄這沙彌不了事教屈法空禪師却屈得箇守  
堂家人來空無語

洞山价禪師問僧名甚麼云某甲師云阿那箇是你主人  
公云見祇對次師云吾哉若哉今時人例皆如此只認得

雲岩晟法嗣

頌卷二

四十一



驢前馬後底將謂自已佛法平沈因茲是也客中認主尚  
未分明如何辨得主中主僧便問如何是主中主師云闍  
梨自道取云某甲道得只是客中主如何是主中主師云  
與麼道即易相續也大難乃示偈云嗟見今時學道流千  
千萬萬認門頭還似入京朝聖主只到潼關即便休  
雲居別云某甲道得不是客中主

米倉禪師有僧來參乃繞師三匝敲繩牀一下云不見主  
人翁終不多眾去師云情識甚麼處去來云果然不在師  
打一拄杖僧云幾落情識乃呵呵大笑師云村草步頭逢  
著一箇半箇有甚共語處僧云且參堂去一本  
臨濟玄禪師到金牛牛見師來橫按拄杖當門踏坐師以  
手敲拄杖云却歸堂中第一位坐牛下來見乃問夫賓

主相見各具威儀上座從何而來太無禮生師云老和尚  
道甚麼半擬開口師便打牛作倒勢師又打牛云今日不  
著便

為山問仰山此二尊宿還有勝負也無仰云勝即總勝  
負即總負

臨濟會下有二同學相問離却中下一機請師兄道一  
句來云擬問即失云恁麼則禮拜老兄去也云這賊  
師聞乃陞堂云要會臨濟賓主句問取堂中二禪客便下  
座

洞安禪師問僧近離甚處云東川師云雙澗孤松煙青月  
白那箇是上座主人云始屆洞安便遭此問師云記劍  
刻舟破球求影豈不是闍黎境界喫茶去云那箇是洞安



正主師云途中駒子不勝驕驢僧禮拜師云胡人打令舞拍全無

西禪需云宗師手段直如巨靈逞壁大華之威蒼龍展奪驪珠之勢雖然如是忽若遇著箇獅子終不放過如今要識洞安麼正是欺客打婦也好與三千棒

曹山本寂禪師僧問五位對賓師云汝今問那箇位云某甲從偏位中來請師正位中接師云不接云為甚麼不接師云恐落偏位中去師復問僧祇如不接是對賓是不對賓云早是對賓了也師云如是如是

丹霞溥頌云月中玉兔夜懷胎日裏金烏朝抱卵黑漆崑崙踏雪行轉身打破瑠璃椀

雪峰存禪師僧問文彩未分時還有主也無師云若有主

岩頭大巖  
法嗣

即文彩云還轉也無師云汝自看又僧問趙州無賓主語未審作麼生師便踏復喚僧近前來僧近前師云去

瑞巖弄禪師一生常坐每自喚云主人公復自應諾乃云惺惺著他時莫受人瞞後有僧到云沙沙問近離甚處云

瑞巖沙云有何言句示人僧舉前語沙云一等是弄精魂也甚奇恠復云何不在彼中云已遷化也沙云而今還喚得應麼僧無對

雲竇顯云蒼天蒼天 雲峰悅云鬼窟裏作活計却問傍僧云你還識瑞巖老漢麼僧無對師云蒼天蒼天

保寧勇代云和尚因甚對面不聞 佛國白頌云一生長喚主人公不受人瞞迥不同今日惺惺何處去滿山松柏起悲風 祖印明云彎彎新月



曹山本寂  
法嗣

雪峯存法嗣

聚三皇誰信心王本自寧可笑瑞巖方丈老夜深呼喚  
強惺惺鼓出珪云一主人公死一主人公活若解弄  
精菟兩頭皆透脫白楊順云自呼自應已惺惺不受  
欺瞞理不輕池內白蓮香未已簷前山色四時青  
金峰志禪師僧問如何是金峰正主師云此去鎮縣不遙  
闍黎莫造次僧云何不道師云你口是磔盤

圓悟勤云金峰孤風凜凜這僧敢捋虎鬚雖然千里折  
衝要且猶爭一線當時待他問如何是金峰正主和聲  
便打何故試玉須經火求珠不離泥

長慶稜禪師僧問有問有答賓主歷然不問不答時如何  
師云相逢盡道休官去林下何曾見一人  
智門祚頌云人人盡道我心休問著何曾有地頭口說

真化存將火  
法嗣  
雲門偃法嗣

心違瞞自己業河迅速任漂流

雲門偃禪師僧問如何是賓中主師云騎一問云如何是  
主中主師云义手著云賓主相去多少師云如眼如目云  
合談何事師云三九二十七

雲門云是你傍家行脚作麼生是不落賓主底句道將來  
自代云便出去

洛浦安禪師僧問如何是主中賓師云逢人長問路是下  
鎮長迷云如何是賓主雙舉師云枯樹無橫枝鳥來無措  
足

南院顯禪師僧問如何是寶應正主師云杓大椀小又僧  
問如何是乾坤主師云周人遺粟心剗九竅  
香林遠禪師僧問但有言句盡是賓如何是主師云長安

頌卷二

四



百丈懷海  
法嗣

洪州東山慧  
和尚

和尙  
信灯九

九峯度法嗣  
沙潭室拳神  
堂和尚信灯九

鼓山神晏  
法嗣

賊裏云如何領會師云千家萬家

伏龍禪師僧問賓主未分時如何師云雙陸盤中不喝米

云分後如何師云撒子不曾拈

東山慧禪師遊山次見一巖僧問此巖有主也無師云有

云是甚麼人師云三家村裏覓其麼其僧入問如何是巖

中主師云還氣急麼

風穴沼禪師僧問如何是清涼山中主師云二句不遑無

著問迄今猶作野獃僧又僧問浩浩之中如何辨主師云

無自僭人能揣骨關市開張執手驚

寶峰黨禪師僧問四威儀中如何辨主師云正遇寶峰不

脫鞋  
白雲作禪師僧問如何是主中主師云汝還具眼麼云恁

麼即學人歸堂去也師云糊糝入布袋

後白雲禪師僧問昔日靈山一會梵王為主未審白雲甚

麼人為主師云有常侍在云恁麼即法雨霽雲羣生有賴

師云汝莫這裏賣梳子

光慶安禪師僧問提綱舉領盡立主賓如何是主師云深

委此問云如何是賓師云適來向汝道甚麼云賓主道合

時如何師云其令不行

虎溪庵主因坐次僧近前云不審庵主師云是誰僧便唱

師云得恁麼無賓主僧云猶要第一喝在師便唱

化城鹽禪師問僧近離其處云江西師云來時主人萬福

也無云道甚麼師云耳聾耶云是何言歟師云近前來向

汝道僧近前師云打底不遇作家參堂去

天台山德韶  
國師法嗣



福昌善禪師僧問浩浩之中如何辨主師云長安天子塞  
外將軍云恁麼則權搯在手師云不斬無罪之人  
香林信禪師僧問三界之中何人為主師云虛空裏合掌  
云學人未明如何辨的師云格外理堪觀  
石門蘊禪師僧問如何是夾山正主師云好大哥好手須  
還藥布作韓光虛望立功勳僧無語師云單雄信解弄  
子木稍蔚達公隨後唱番歌  
廣法源禪師僧問塵中如何辨主師云短簷帽子長脚幞  
頭  
雪竇顯禪師僧問如何是雪竇正主師云何不問雪竇山  
中人云與麼則把定乾坤去也師云出門唯恐不先到當  
路有誰長待來

○僧問如何是賓中賓

風穴沼禪師云攬眉看白雲

汾陽昭禪師云合掌庵

前問世尊

法華舉禪師云開口雖無力吐氣却慚惶

道吾真禪師云誰說有疎親

首山念禪師云青山

綠水分

葉縣省禪師云慚惶沒心情  
石門聰禪

師云禮拜甚分明

華嚴教禪師云客路如天遠

水陸津禪師云巢父飲牛

等覺明禪師云伶俚更辛

苦  
廣德義禪師云湯子無家計飄蓬歲不知

琅

耶覺禪師云手攜書劍謁明君

慈明圓禪師云禮拜

更慇懃

法輪端禪師云芒鞋竹杖走紅塵

佛鑑

勲禪師云夫子遊行石在陳

佛智裕禪師云你是田

庫奴

佛燈珣禪師云客路如天遠侯門似海深



○進云如何是宿中主

風穴云入市雙瞳瞽 汾陽云對面無倚信 法華

云一條新竹杖三事舊麻衣 道吾云磕額無回互對

面與誰陳 首山云棒下取分明 葉縣云相手覷

前程 石門云覷地無回顧 華嚴云侯門似海深

水陸云許由洗耳 等覺云問處甚分明 廣德

云茅戶掛珠簾 琅琊云捲起珠簾無可觀 慈明

云拄杖常在手 法輪云十二街頭逢上祖 佛鑑

云真實之言成妄語 佛智云相逢猶莽鹵 佛燈

云長因送客處憶得別家時 佛智云相逢猶莽鹵

○進云如何是玉中賓 汾陽云陣雲橫海上拔劍攪龍

門 法華云突兀何人顧坦然孰可聞 道吾云端

巫空裏布霹靂震乾坤 首山云退已護人 葉縣

云起坐甚分明 石門云往復問前程 華嚴云塞

外將軍令 水陸便喝 等覺云垂手入紅塵 慈明

廣德云龍樓鋪草座 琅琊云三更過孟津 慈明

云橫擔榔櫂撥乾坤 法輪云御馬金鞭混四民

佛鑑云進前退後愁殺人 佛智云劍氣燦愁雲

佛燈云相逢不必問前程

○進云如何是玉中主 風穴云磨龍三尺劍待斬不平人 汾陽云三頭六臂

擎天地忿怒那吃撲帝鍾 法華云萬仞齊開觀千峰

露出顏 道吾云古皇令高舉巧辯徒申吐 首山



云斬盡不留身。華嚴云大祭不留身。石門云萬

里絕同侶。華嚴云寰中天子勅。水陸云禮拜了

退。等覺云寶劍當宵。廣德云東宮雖至嫡不面

聖堯顏。琅琊云獨坐鎮寰宇。慈明云劍握征人

手。法輪云金門誰敢擡眸觀。云眉主已蒙師指示向

上宗乘事若何師云昨夜霜風刮地寒。老猿嶺上啼猿月

佛鑑云終日同行非伴侶。云眉主已蒙師指示向上宗

乘事若何師云太斧斫了手摩挲。佛智云敲骨打髓

佛燈云一朝權祖令誰是出頭人。

臨濟問賓家有過親體。洞山問龍山賓主親體

趙州有主沙彌親體。巖頭塵中辨主親體

牛頭智威  
法嗣

長慶大安  
法嗣

家風

天柱慧禪師僧問如何是天柱家風師云時有白雲來閉

戶更無風月四山流。

靈樹敏禪師僧問如何是和尚家風師云千年田八百主

云如何是千年田八百主師云即當是舍没人修

死心新云靈樹家破人亡父南子北如今有人問雲巖

如何是和尚家風向伊道張公喫酒李公醉復云張公

喫酒李公醉意昔如何任從滄海變終不為君通

大隋真禪師僧問如何是和尚家風師云赤土畫簸箕云

未審此理如何師云簸箕有骨米跳不出

南堂靜頌云赤土畫簸箕團團無縫罅佛眼覷不見海

神不知價簸土揚塵無處尋山高海闊白雲深。應庵



夾山念法嗣

華云斂箕有骨米跳不出天下衲僧赤覺體更須撥轉上頭關十方世界黑似漆

馮山泉祐

韶山普禪師僧問如何是和尚家風師云絕頂無根草無風葉自搖

法嗣

丹霞淳頌云妙峰孤頂偏肥膩天產靈苗不觸地翠葉無風常自搖清香那逐春光媚

法嗣

徑山誣禪師因佛日長老來訪師云伏承長老獨化一方何以存遊峰頂日云朗月當空掛冰輪不自寒師云莫即

曹山寂

是長老家風不日云峭峙萬重關於中合寶月師云此猶是文言作麼生是長老家風日云今日賴遇佛日

法嗣

育王山通禪師僧問如何是和尚家風師云渾身不直五文錢云太貧寒生師云古代如此云如何施設師云隨家

豐儉

丹霞淳頌云祖代家風沒一文清貧中是更清貧著衣喫飯隨豐儉物物頭頭用最親

藥山儼

雲巖晟禪師問道吾師兄家風作麼生吾云教汝指點著堪作甚麼師云無這箇來多少時也吾云牙根猶帶生涎

法嗣

在清平遵禪師僧問如何是清平家風師云一斗麵作三箇蒸餅

翠微無學

雲門偃禪師僧問如何是和尚家風師云門外讀書人報來

法嗣

徑山泉云讀書人已在這裏且作麼生與伊相見乃顧視左右云不是冤家不聚頭

法嗣

來



智門祚頌云叢林在處有家風且與雲雨事不同門外  
若有讀書者在是顏面亦不通佛慧泉云讀書人到  
切須看無絃難遇知音者端的家風說與君沒階趨進  
翼如也

雲雨僧問學又近到法席未審家風事如何師云不歷一  
問作麼生道又僧問如何是和尚家風師云久雨不晴云  
如何是久雨不晴師云騰浪著

同安丕禪師僧問如何是和尚家風師云金鷄抱子歸霄  
漢玉兔懷胎入紫微云忽遇客來將何抵待師云金果早  
朝猿摘去玉花晚後鳳嚙來

圓悟勤云峭措不妨峭措風流且是風流偏正五位君  
臣言中不妨諦當雖然如是曹洞門下光前絕後臨濟

雲居膺  
法嗣

類集七

四十八

宗風豈容回互若有人問蔣山如何是和尚家風對他  
道開口見膽忽遇客來如何祇得跳底金剛圈吞底栗  
棘蓬微庵勤云廣福即不然有問如何是和尚家風  
只向道翠竹叢邊歌教乃碧巖深處臥煙蘿忽遇客來  
將何祇待沒底籃兒盛白月無心盤子貯清風徑山  
果云同安家風不妨奇恠徑山家風又且不然或有問  
如何是和尚家風即向他道齋時一鉢和羅飯禪道是  
非都不知忽遇客來將何祇待蒸餅餅飽  
丹霞淳頌云日午煙凝山突岫夜央天淡月嬋娟混然  
寂照寒宵永明暗圓融未兆前  
牛頭微禪師僧問如何是和尚家風師云山金粟米飯野  
菜淡蕪齏云忽遇上客來時又作麼生師云喫則從君喫

投子同禪師

法嗣

傳灯十五

類集七

四十八



後  
百門狀編  
法嗣

不喫任東西

石門蘊禪師僧問如何是和尚家風師云物外獨騎千里  
象萬年松下擊金鐘

丹霞真頌云夜明簾外月朦朧騎象翻身較寶鐘洪韻  
上騰三界外聾夫何事睡猶濃

前  
廣德從  
法嗣

石門徹禪師僧問如何是和尚家風師云解接無根樹能  
挑海底燈後其僧入室問學人不解挑燈意請師方便接  
無根師云買鳥筆頭挑古韻下筆之處阿誰分又云難遇  
知音神鼎謹便問如何是知音師云逢迎直言三歲子唱  
起巴歌異路行又頌云無形無相太威神為接羣生展手  
頻為道不選圓盤體金鳥常出海東門  
神鼎云石門恁麼道恁麼頌還會石門家風麼良久云

風範法嗣

金鳥常出海東門

首山念禪師僧問如何是和尚家風師云一言截斷千江  
只萬仞峰前始得玄

神鼎謹云首山只解說家風不解用家風僧問如何是  
用家風師云望乃云首山老漢若在聞神鼎恁麼道必  
然大笑一場且道肯神鼎不肯神鼎試箇量看諸上座  
夫參學須具參學眼始得若只愛他人語句記在意識  
下不能截斷俗士尚云男兒不用分時財衲僧家合作  
麼生著精彩始得珍重

大陽玄禪師僧問如何是和尚家風師云蒲瓶傾不出大  
地沒亂人

丹霞真頌云荆山美玉何須辨赤水玄珠不用拈周象

梁山觀法嗣  
偈灯卷六



雲門傳法嗣

傳灯廿三

無心黃帝重下和存智楚王嫌

鵝湖震禪師僧問如何是鵝湖家風師云客是主人相師

僧云恁麼則謝師周旋去也師云難下陳蕃之榻

招慶主禪師僧問如何是招慶家風師云寧可清貧自樂

不作濁富多憂

永明壽禪師僧問又在永明為甚麼不會永明家風師云

向不會處會取云不會處又如何會師云牛胎生象子碧

海起紅塵

投子宗道者僧問如何是道者家風師云袈裟裏草鞋云

意旨如何師云赤脚下桐城

洛浦安禪師僧問圓伊三點人皆重洛浦家風事若何師

云雷震一震布鼓聲銷

雪巨頭法嗣

夾山含法嗣

青原下

九峯度

法嗣

九峯度

法嗣

傳灯十七

雪峯存

法嗣

青原下  
法眼益法嗣

明列翠岩

令參禪師

法嗣

佛嶼院知默

傳灯廿二

泐潭明禪師僧問如何是道者師云毛毯毯云如何是道者家風師云佛殿前逢尊者

鳳棲察禪師僧問如何是鳳棲家風師云鳳棲無家風云

既是鳳棲為甚麼却無家風師云不迎賓不待客云恁麼

則四海參尋當為何事師云盤釘自有旁人施

龍興靖禪師僧問如何是六通家風師云一條布衲一斤

有餘又僧問如何是和尚家風師云早朝粥齋時飯云更

請和尚道師云老僧困云畢竟作麼生師大笑而已

羅漢琛禪師僧問如何是羅漢家風師云表裏看取

佛嶼默禪師僧問如何是佛嶼家風師云送客不離二步

內邀賓只在草堂前

廣嚴澤禪師僧問如何是廣嚴家風師云一塢白雲三間

頌卷二

五一



茅屋云畢竟作麼生師云既無維那兼無與座又僧問如  
何是廣嚴家風師云獅子巖前靈水響鷄籠山上白猿啼  
玄都澄禪師僧問喜得趨方丈家風事若何師云薰風開  
曉露明月正當天云如何拯濟師云金鷄樓上下鼓  
慈明圓禪師僧問如何是古佛家風師云金蟾初出海何  
處不分明云還許學又請益不師云大海無邊際不宿水  
雲又僧問如何是和尚家風師云有錫降龍虎云忽遇  
上上人又如何師云無心伏鬼神  
承天高禪師僧問如何是承天家風師云餠餅日日新鮮  
佛法年年依舊云只這便是為別更有師云更有則錯云  
與麼則笑殺衲僧口也師云不得不笑云泊合不問師云  
苦痛蒼天

清凉文益法  
詞

雷竇顯禪師僧問如何是古佛家風師云青天白日云還  
許學又領會也無師云不是劍客請莫相過  
觀音顯禪師僧問如何是觀音家風師云眼前看取云忽  
遇作者來作麼生見待師云貧家只如此未必便言歸  
法華禪師僧問如何是法華家風師云寒時寒殺熱時熱  
殺云如何是寒時寒殺師云三三兩兩抱頭行云如何是  
熱時熱殺師云南北東西見者嗤  
濟上座僧問如何是上座家風座云三脚蝦蟆背太象  
鐵幢覺禪師僧問道絕有無之說法無去住之談先祖家  
風如何舉唱師云一輪印出寒潭影萬象齊分祖道輝  
承天宗禪師僧問如何是鳳凰家風師云龍行虎步云客  
來將何祇待師云盤裏明珠

大陽玄法嗣

類聚七

五二



由北珪禪師僧問收來放去即不問古佛家風事若何師云一回舉著一回新云和尚豈無方便師云自是蒲繩短休嫌古弄深

洪濟順禪師僧問如何是古佛家風師云祇覺春風吹我寒不知明月為誰白云學人特伸請益師云相逢秋色裏此意與誰同

上方益禪師僧問如何是臨濟家風師云雷光裏走馬云如何是雲門家風師云爛泥中有刺云和尚畢竟是誰家之子師云下任鑽龜打瓦

木瀉瑤禪師僧問如何是瀉山家風師云竹有上下節松無今古青云未審其中人飲噉何物師云飢餐相公玉粒飯渴點神運倉前茶

大陽楷禪師僧問如何是曹洞家風師云繩牀風雨爛方丈草來侵

法雲善禪師僧問如何是和尚家風師云隨家豐儉云客來如何祇待師云看樓打樓又僧問如何是古佛家風師云桐栢廟裏杯校子

○僧問如何是和尚家風

西院琛禪師云竹筋瓦椽 保寧勇禪師云硬餠餅爛

鉢鉢 智異山禪師云瑠璃盃內水符力喝起行

壽寧靈禪師云有少無多 田祖誦禪師云厨無過客

餐 舍珠彬禪師云白雲常澹佇碧落任清虛 德

山先禪師云十方無異路切忌却難尋 雲巖眺禪師

云千年冰雪上靈枝萬古春 北禪顯禪師云一輪當



宇宙處處總光輝

廣教榮禪師云不直半分錢

牛頭精禪師云花從愛惜落草逐棄嫌生

求泰寶禪

師云千年松柏

蔣山元禪師云東壁打西壁

石

門雅禪師云一條筇竹杖三事衲鬘衣

保福殊禪師

云椀大椀小

天衣慶禪師云臂長衫袖短

五祖

演禪師云鐵旗鐵鼓云只這箇為復別有師云採石渡頭

看光孝元禪師云七顛八倒

○進云忽遇客來如何祇待

西院云黃齋倉米飯

保寧云麤餐易飽細嚼難飢

智異云三巡茶後室中煙

壽寧云長連牀上麤羹淡

飯田祖云客來須看

會珠云逢鳥有時窺鶴舞

蠻天多是見雲飛

德山云客來須看賊來須打

雲巖云瑠璃鉢盛無米飯雲堂大會不來人

北禪云

物物總是非努力頭頭不用牧童機

廣教云蒲盤釘

不出到者善知時

牛頭云畚田粟米飯山茶一兩甌

住即隨緣住不住任遨遊

求泰云萬載一條新

蔣山云山上樵井中水

石門云酌泉釀點祖師茶

保福云一杓兩杓云未飽者作麼生師云小喫小喫

天衣云箇中虛坎中蒲

五祖云龍肝鳳髓且待別時

云客是主人相師師云謝供養

光孝云生鐵蒺藜劈

口堊

○僧問如何是和尚家風

道吾智禪師下禪牀作女人拜云謝子遠來都無祇待

趙州諗禪師云屏風雖破骨格猶存

雪峰存禪師云



洞山价法師  
欽山邃禪師  
趙易詒法師  
國清泰  
倚灯十一  
子胡殿法師  
香嚴法嗣  
終南山豐德寺  
和尚  
倚灯十一

盡大地未有與麼朦朧漢  
欽山邃禪師云錦帳銀香  
囊風吹滿路香  
疎山仁禪師云尺五頭巾云如何是  
尺五頭巾師云圓中取不得  
國清泰禪師云臺盤倚  
子火鑪總牖  
勝光禪師云福州荔枝泉州刺桐  
豐德禪師云觸事面墻  
四禪禪師云會得底人意須  
知月色寒  
九峰滿禪師云即今是甚麼云學人不曾  
師云十字路上馬蘭花  
禾山禪師云滿目青山起白  
雲  
求與祿禪師云毛頭顯沙界日月現其中  
光靜禪師云門下平章事官闈較幾重  
金峰志禪師  
云金峰門前無五里牌  
廣德禪師云山前人不往山  
後更忙忙  
青剎山禪師云無底籃子拾生菜  
伏  
龍璘禪師云橫身卧海日裏挑燈又云長齋冷飯云又大

漳州保福院  
後展禪師法嗣  
泉及八山後  
洪忠禪師  
倚灯十一  
福州世國院  
弘昭一法嗣  
長慶用禪師  
倚灯十一  
保福展一法  
嗣後拓慶和  
尚倚灯十一

寂寞生師云僧家合如是  
長慶用禪師云齋前厨蒸  
南白飯午後鑪煎北苑茶  
鳳凰琛禪師云門風相似  
即無阻矣學人不是其人云忽遇延麻人時如何師云不  
可預搔而待痒  
後招慶禪師云一餅兼一錫到處是  
生涯  
德山安禪師云南山起雲北山下雨  
黃檗  
濟禪師云與天下人作榜樣  
石門遠禪師云滴瀝非  
旨趣千山不露身  
梁山觀禪師云泉陽水急魚行游  
白鹿松高鳥泊難  
風穴沼禪師云鶴有九臯難翥翼  
馬無千里謾追風  
石門蘊禪師云騎駿馬驟高樓鐵  
鞭指出胡人路  
長水仁禪師云騎牛戴席帽渡水著  
靴衫  
仁壽珍禪師云土鷄瓦犬  
法華舉禪師云  
廣額施陀羅  
廣慧真禪師云杖屨鏤子  
大愚之



禪師云一言已出駟馬難追 南院顯禪師云秋收冬

藏 石門聰禪師云一句每當機逢人直是道 鹿

門真禪師云有鹽無醋 雲居簡禪師云隨處得自在

鐵佛高禪師云麤羹淡飯云恁麼則朝朝相似也師云

古來鐵佛今日傳名 五祖戒禪師云韶陽一點異清

虛盡智門云莫便是和尚家風也無師云金州路上兩兩

三三 雲臺因禪師云嗔拳不打笑面云如何施設師

云天台則有南嶽則無 石霜永禪師云摘破香囊熏

木國巖開天數吼真風 靈隱聰禪師云索喚即有云

未審有箇甚麼師云天台柳標 劉太保問廣慧家風見碑

禪林類聚卷第七

